

*utusan Melayu - 6/11/2013*

Laksana geran penyelidikan RM30 juta setahun bersama Universiti Tokushima

# UniSZA terima pengiktirafan Jepun

Oleh SITI AIRUNNISA ALAUI

utusanterengganu@utusan.com.my

## KUALA TERENGGANU 5

Nov. - Universiti Sultan Zainal Abidin (UniSZA) bakal melakar satu lagi sejarah apabila ditawar geran penyelidikan nasional bernilai RM30 juta setahun bersama Universiti Tokushima, Jepun yang akan ditandatangani awal tahun depan.

Naib Canselor UniSZA, Prof. Dr. Yahaya Ibrahim berkata, kerjasama itu bakal berlangsung selama sembilan tahun melibatkan geran penyelidikan dalam bidang robotik dan bioperubatan.

Katanya, ia akan dilaksanakan di



bawah penyelenggaraan Fakulti Reka Bentuk dan Teknologi Kejuruteraan (FRTK) UniSZA merangkumi pelbagai aspek kepakaran termasuk membina rangkaian dengan syarikat teknologi di negara itu.

"Kita berharap kerjasama ini dapat memberi manfaat kepada kedua-dua universiti selain mewujudkan jaringan kerjasama dalam bidang lain termasuk akademik meliputi penyelidikan, pertukaran pelajar dan staf serta penganjuran seminar secara bersama," katanya pada sidang akh-



YAHAYA IBRAHIM

bar di pejabatnya di sini baru-baru ini.

Kerjasama itu diumumkan Universiti Takushima dalam satu kunjungan UniSZA ke Jepun pada 16 hingga 24 Oktober lalu yang di ketuai Yahaya bersama Dekan FRTK, Prof. Dr. Mohd. Rizwan Mohamed Juhari dan Ketua Pusat Reka Bentuk, Dr. Mohd. Hisham Omar.

Dalam kunjungan itu, UniSZA turut menandatangani memorandum persefahaman (MoU) bersama Universiti Okayama yang diwakili oleh Prof. Dr. Keigo Watanabe bertujuan memfokuskan kerjasama antara dua universiti itu dalam aspek pe-

ngajaran, penyelidikan dalam bidang robotik, kejuruteraan komputer dan teknologi komunikasi.

Melalui MoU itu, dua orang pensyarah perubatan Universiti Okayama yang merupakan pakar bius akan diantar untuk berkhidmat di UniSZA selama dua tahun.

Mengulas lanjut, Yahaya berkata, UniSZA menjadi universiti pertama di negara yang menandatangani MoU bersama Universiti Okayama dan ia merupakan inisiatif UniSZA untuk lebih berdaya saing di peringkat global.

Dalam pada itu, beliau memaklumkan, UniSZA turut mendapat sokongan daripada sebuah syarikat pembuatan robot di Jepun, A life Robotics Corporation, apabila Ketua

Pegawai Eksekutifnya, Dr. Masanori Sugisaka bersetuju untuk menjadi penasihat kepada penubuhan program teknologi robotik di FRTK.

Tambahnya, persetujuan itu ditemui melalui satu lagi MoU di antara UniSZA dan syarikat berkenaan bertujuan memberi satu lonjakan paradigma kepada pelajar-pelajar yang berminat dalam teknologi robotik selari dengan penubuhan program Ijazah Sarjana Muda dalam bidang robotik.

"Kerjasama lain yang turut dibincangkan ialah dalam penyelidikan robotik, pengajuran persidangan antarabangsa, melatih staf UniSZA di dalam bidang robotik industri serta memohon geran penyelidikan kerajaan Jepun (JSPJ)," katanya.